

Burung enggang terbesar dunia

Gunung Raya di Langkawi jadi habitat spesies unik



DIET utama kenyangalang atau enggang papan ialah buah-buahan hutan yang juga merupakan sumber air utama unggas itu selain memakan haiwan-haiwan kecil dan serangga.



>> PENGASAS Persatuan Pencinta Alam cawangan Langkawi, Irshad Mobarak menjelajah enggang di Langkawi yang dilakukan secara berkala.



Oleh WAN SHAHARA AHMAD GHAZALI

SESEKALI ke Langkawi, pencinta alam semulajadi boleh menikmati keindahan 360 derajat gugusan pulau Langkawi dari dua puncak gunung, sama ada Gunung Mat Cincang dengan menaiki kereta kabel Langkawi ataupun memandu sendiri ke puncak Gunung Raya.

Sebenarnya, ada khazanah warisan alam yang amat bernilai di Gunung Raya iaitu kehadiran burung enggang terbesar dunia atau *The Great Hornbill*.

Bagaimanapun, ramai yang terlepas mendand khazar¹, yang memiliki nama saintifik (*buceros bicornis*) meskipun unggas itu berukuran 1.5 meter ketika melebaran sayapnya.

Beratnya pula boleh mencapai sehingga empat kilogram yang menjadi punca burung itu tidak mampu berterbangan bebas seperti unggas lain.

Sebaliknya unggas tersebut akan melompat-lompat dari dahan ke dahan pokok yang paling tinggi sebelum terbang seakan-akan meluncur di udara sambil mengepakkan sayapnya.

Saiz unggas yang turut dikenali sebagai enggang papan atau rangkong itu juga adalah faktor kenapa kita mesti mempertahankan pokok-pokok berdiameter besar dari terus dikorbankan sebagai balak.

Ini kerana, secara semula jadi, haiwan terancam itu hanya dapat bersarang di dalam lubang pokok yang cukup besar untuk memuatkan ibu dan anak enggang selama kira-kira tiga bulan.

Di dalam lubang pokok itulah si ibu akan terkurung dalam sarang yang disimpenkan lubangnya menggunakan najis, tanah dan air liur, meninggalkan hanya lubang kecil untuk pasangannya menghulurkan makanan.

Makanan utama unggas itu ialah buah-buahan liar yang juga sumber air penting tubuh mereka, diet mereka juga merangkumi haiwan mamalia, reptilia dan burung kecil serta serangga.

Di situ ibu enggang akan meluruhkan pelepasnya untuk mengeramkan telur bersendirian manakala pasangannya akan bekerja keras mencari makanan untuk mereka bertiga. Ini bermakna jika pokok sarangnya ditebang, kedua-dua ibu dan anak akan mati terperangkap dan kelaparan, manakala bapanya juga akan menderita ekoran enggang bersifat monogamus atau pasangan seumur hidup.

Inilah sebabnya jika pokok sarangnya ditebang, kedua-dua ibu dan anak akan mati terperangkap dan kelaparan, manakala bapanya juga akan menderita ekoran enggang bersifat monogamus atau pasangan seumur hidup. - BERNAMA

SEORANG penduduk kampung Parit 13 Sungai Panjang Sabak Bernam menunjukkan beberapa helai buku pelepah enggang kelingking yang menjadikan tempayan di sebelah kiri belau sebagai sarang.

Secara semula jadi, haiwan terancam itu hanya dapat bersarang di dalam lubang pokok yang cukup besar untuk memuatkan ibu dan anak enggang selama kira-kira tiga bulan

Malah, seorang pemerhati burung Persatuan Pencinta Alam (MNS) cawangan Langkawi, Irshad Mobarak, pernah menyaksikan sendiri satu tragedi menyayat hati, apabila seekor kenyangalang jantan berterikat panjang melihat hutan yang berisi pasangan dan anaknya tumbang dibalak.

Lebih memilukan, enggang itu sering dilihat kembali ke tempat kejadian selama beberapa tahun.

"Malangnya di Langkawi, kenyangalang menghadapi ancaman kehilangan habitat ekoran penerokaan hutan secara haram, tarahan bukit serta kerakusan pembangunan tidak terkawal,

"Selain itu, spesies berkenaan juga diburu dan dibunuh secara haram oleh penduduk yang tidak bertanggungjawab demi memenuhi keinginan makanan afrosidiak pelancong asing negara tertentu," keluh belau.

Apa pun, jika anda teringin melihat kehebatan burung yang gagah ini, pastikan anda berada di Gunung Raya sebaik saja fajar menyingsing atau sebelum senja bagi menyaksikan sendiri kumpulan burung ini berterbangan di udara.

Anda juga boleh memerhati burung itu terbang melintang antara dua hutan yang terdapat di Pantai Kok, Langkawi pada lewat petang sebelum terbenam matahari.

Pemerhati burung berpeluang melihat kesemua 10 spesies itu termasuk enggang hutan yang berstatus hampir pupus di dalam senarai Merah Kesatuan Antarabangsa Bagi Konservasi Alam (IUCN) hanya dapat ditemui di kompleks berkenaan.

Inilah boleh dikira satu keajaiban membandingkan Malaysia sama sekali tidak diketahui memiliki enggang hutan sehinggalah dikenalpasti oleh penyelidik MNS dan disahkan sebagai spesies enggang ke-10 negara pada tahun 1998. - BERNAMA



ENGGANG papan adalah spesies enggang terbesar yang mana lebarnya ketika melebaran sayap adalah kira-kira 1.5 meter dan beratnya mencecah empat kilogram.

Habitat baharu enggang

DALAM satu lawatan ke hutan di Gunung Raya, Pegawai Pemuliharaan Projek Pemuliharaan Burung Enggang MNS, Ravinder Kaur menjelaskan bahawa sebelum ini, spesies ke-10 itu hanya ditemui di Myanmar dan Thailand sebanyak kira-kira 1,000 ekor tetapi jumlahnya kian merosot.

"Usaha MNS menganjurkan ekspedisi saintifik Belum-Temenggor kedua pada 1998 membawa hasil di luar jangkaan apabila mereka berjaya mengenalpasti sekumpulan enggang sebagai enggang hutan," katanya menjelaskan fizikal spesies itu hampir serupa dengan enggang gunung.

Lebih mengujakan lagi, tahun 2008 telah mencipta sejarah penemuan populasi enggang hutan yang dikira cukup besar iaitu 3,000 ekor pada sekali kiraan.

Angka itu amat menakjubkan memandangkan saintis menganggap hanya terdapat kira-kira 10,000 ekor enggang hutan dewasa yang masih hidup di seluruh dunia.

Fakta itu menguatkan lagi kepentingan kompleks hutan seluas kira-kira 266,170 hektar itu sebagai kawasan keutamaan yang harus dipelihara khususnya hutan Temenggor yang masih belum dilindungi sepenuhnya.

Pastinya, kita ingin kompleks Belum-Temenggor yang telah diiktiraf sebagai Kawasan Penting Burung (IBA) terkenal dunia itu untuk terus dilindungi bagi menarik ribuan pelancong dan pemerhati burung setiap tahun, sekali gus mewujudkan industri peniagaan kecil untuk penduduk setempat.

Sementara itu, di Sabak Bernam, penduduk

SALAH satu tempayan bermulut kecil yang digunakan oleh pasangan enggang kelingking di Kampung Parit 13, Sungai Panjang Sabak Bernam sebagai sarang.

10 spesies enggang Belum-Temenggor

→ Berikut adalah senarai 10 jenis enggang yang terdapat di Malaysia iaitu:

- Enggang Bulu (*Berenicornis comatus*)
- Enggang kawan/buluh (*Anorrhinus galeritus*)
- Enggang berkedut (*Aceros corrugatus*)
- Enggang Gunung (*Aceros undulatus*)
- Burung Kekek/Burung Gatal Birah (*Anthracoceros malayanus*)
- Enggang Lilin (*Anthracoceros albirostris*)
- Enggang (*Buceros rhinoceros*)
- Enggang Hutan (*Aceros subruficollis*)
- Burung Tebang Mentua (*Rhinoploax vigil*)
- Enggang Papan/Kenyangalang (*Buceros bicornis*)

→ Rekod mencatatkan dunia hanya mempunyai 55 spesies enggang yang masih wujud termasuk 31 spesies di Asia dan selebihnya hanya terdapat di Afrika.

→ Selain itu, Asia Tenggara hanya merekodkan 12 spesies, tetapi istimewanya negara kita adalah syurga santuri kepada 10 spesies burung itu yang menjadi satu angka kekayaan spesies yang besar.

→ Lebih unik, kesemua spesies daripada enam genera itu boleh ditemui di kompleks hutan Belum-Temenggor di Perak, yang merangkumi Taman Negeri Royal Belum dan hutan simpan Temenggor.